

### 0.0.1 sūdasuttam

1. seyyathāpi bhikkhave, bālo avyatto akusalo sūdo rājānaṃ vā rājamahāmattaṃ<sup>1</sup> vā nānaccayehi sūpehi paccupaṭṭhito assa: ambilaggehipi tittakaggehipi kaṭukaggehipi madhuraggehipi khārikehipi akhārikehipi loṇikehipi alonikehipi.

2. sakho so bhikkhave, bālo avyatto akusalo sūdo sa-kassa bhattu<sup>2</sup> nimittaṃ na uggaṇhāti: idaṃ vā me ajja bhattu sūpeyyaṃ ruccati, imassa vā abhiharati, imassa vā bahuṃ gaṇhāti, imassa vā vaṇṇaṃ bhāsati, ambilaggaṃ vā me ajja bhattu sūpeyyaṃ ruccati, ambilaggassa vā abhiharati, ambilaggassa vā bahuṃ gaṇhāti, ambilaggassa vā vaṇṇaṃ bhāsati, tittakaggaṃ vā me ajja bhattu sūpeyyaṃ ruccati, tittakaggassa vā abhiharati, tittakaggassa vā bahuṃ gaṇhāti, tittakaggassa vā vaṇṇaṃ bhāsati, kaṭukaggaṃ vā me ajja bhattu sūpeyyaṃ ruccati, kaṭukaggassa vā abhiharati, kaṭukaggassa vā bahuṃ gaṇhāti, kaṭukaggassa vā vaṇṇaṃ bhāsati, madhuraggaṃ vā me ajja bhattu sūpeyyaṃ ruccati, madhuraggassa vā abhiharati, madhuraggassa vā bahuṃ gaṇhāti, madhuraggassa vā vaṇṇaṃ bhāsati, khārikaṃ vā me ajja bhattu sūpeyyaṃ ruccati, khārikassa vā abhiharati, khārikassa vā bahuṃ gaṇhāti, khārikassa vā vaṇṇaṃ bhāsati, akhārikaṃ vā me ajja bhattu sūpeyyaṃ ruccati, akhārikassa vā abhiha-

---

<sup>1</sup>rājamahāmattānaṃ - sīmu.

pts page 150

<sup>2</sup>bhatta - machasaṃ, syā.

rati, akhārikassa vā bahum gaṇhāti, akhārikassa vā vaṇṇaṃ bhāsati, loṇikaṃ vā me aḷḷa bhattu sūpeyyaṃ ruccati, loṇikassa vā abhiharati, loṇikassa vā bahum gaṇhāti, loṇikassa vā vaṇṇaṃ bhāsati, alonikam vā me aḷḷa bhattu sūpeyyaṃ ruccati, alonikassa vā abhiharati, alonikassa vā bahum gaṇhāti, alonikassa vā vaṇṇaṃ bhāsati, sakho so bhikkhave, bālo avyatto akusalo sūdo naceva lābhī hoti: acchādanassa, na lābhī vetanassa, na lābhī abhihārānaṃ. taṃ kissa hetu: ta-thā hi so bhikkhave, bālo avyatto akusalo sūdo sakassa bhattu nimittaṃ na uggaṇhāti.

3. evameva kho bhikkhave, idhekacco bālo avyatto akusalo bhikkhu kāye na kāyānupassī<sup>3</sup> viharati ātāpī sampajāno satimā vineyya loke abhiññhādomanassaṃ. tassa kāye na kāyānupassino<sup>4</sup> viharato cittaṃ na samādhīyati, upakkilesā na pahīyanti. so taṃ nimittaṃ na uggaṇhāti. vedanāsu na vedanānupassī viharati ātāpī sampajāno satimā vineyya loke abhiññhādomanassaṃ. tassa kāye na vedanānupassino viharato cittaṃ na samādhīyati, upakkilesā na pahīyanti. so taṃ nimittaṃ na uggaṇhāti. citte na cittānupassī viharati ātāpī sampajāno satimā vineyya loke abhiññhādomanassaṃ. tassa kāye na cittānupassino viharato cittaṃ na samādhīyati, upakkilesā na pahīyanti. so taṃ nimittaṃ na uggaṇhāti. dhammesu na dhammānu-

---

bjt page 274

<sup>3</sup>kāye kāyānupassī - machasaṃ, syā.

<sup>4</sup>kāye kāyānupassino - machasaṃ, syā.

passī<sup>5</sup> viharati ātāpī sampajāno satimā vineyya loke abhijjhādomanassaṃ. tassa kāye na dhammānupas-sino<sup>6</sup> viharato cittaṃ na samādhīyati, upakkilesā na paḥīyanti. so taṃ nimittaṃ na uggaṇhāti. sakho so bhikkhave, bālo avyatto akusalo bhikkhu naceva lābhī hoti diṭṭhadhammasukhavihārānaṃ<sup>7</sup>, na lābhī sātisampajaññaṃ. taṃ kissa hetu? tathā hi so bhikkhave, bālo avyatto akusalo bhikkhu sakassa cittassa nimittaṃ na uggaṇhāti.

4. seyyathāpi bhikkhave, paṇḍito viyatto kusalo sūdo rājānaṃ vā rājamahāmattaṃ vā nānaccayehi sūpehi paccupaṭṭhito assa: ambilaggehipi tittakaggehipi kaṭukaggehipi madhuraggehipi khārikehipi akhārikehipi loṇikehipi alonikehipi.

5. sakho so bhikkhave, paṇḍito viyatto kusalo sūdo sakassa bhattu nimittaṃ uggaṇhāti: "idaṃ vā me ajja bhattu sūpeyyaṃ ruccati, imassa vā abhiharati, imassa vā bahuṃ gaṇhāti, imassa vā vaṇṇaṃ bhāsati, ambilaggāṃ vā me ajja bhattu sūpeyyaṃ ruccati, ambilaggassa vā abhiharati, ambilaggassa vā bahuṃ gaṇhāti, ambilaggassa vā vaṇṇaṃ bhāsati, tittakaggāṃ vā me ajja bhattu sūpeyyaṃ ruccati, tittakaggassa vā abhiharati, tittakaggassa vā bahuṃ gaṇhāti, tittakaggassa

<sup>5</sup>dhammesu dhammānupassī - machasaṃ, syā.

<sup>6</sup>dhammesu dhammānupassino - machasaṃ, syā.

<sup>7</sup>diṭṭheva dhamme sukhavīhārānaṃ - machasaṃ, syā.

vā vaṇṇaṃ bhāsatī, kaṭukaggamaṃ vā me ajja bhattu sūpeyyaṃ ruccati, kaṭukaggassa vā abhiharati, kaṭukaggassa vā bahumaṃ gaṇhāti, kaṭukaggassa vā vaṇṇaṃ bhāsatī, madhuraggamaṃ vā me ajja bhattu sūpeyyaṃ ruccati, madhuraggassa vā abhiharati, madhuraggassa vā bahumaṃ gaṇhāti, madhuraggassa vā vaṇṇaṃ bhāsatī, khārikamaṃ vā me ajja bhattu sūpeyyaṃ ruccati, khārikassa vā abhiharati, khārikassa vā bahumaṃ gaṇhāti, khārikassa vā vaṇṇaṃ bhāsatī, akhārikamaṃ vā me ajja bhattu sūpeyyaṃ ruccati, akhārikassa vā abhiharati, akhārikassa vā bahumaṃ gaṇhāti, akhārikassa vā vaṇṇaṃ bhāsatī, loṇikamaṃ vā me ajja bhattu sūpeyyaṃ ruccati, loṇikassa vā abhiharati, loṇikassa vā bahumaṃ gaṇhāti, loṇikassa vā vaṇṇaṃ bhāsatī, aloṇikamaṃ vā me ajja bhattu sūpeyyaṃ ruccati, aloṇikassa vā abhiharati, aloṇikassa vā bahumaṃ gaṇhāti, aloṇikassa vā vaṇṇaṃ bhāsatīti, sakho so bhikkhave, paṇḍito vyatto kusalo sūdo sakassa bhattu nimittaṃ uggaṇhāti.

6. evameva kho bhikkhave, idhekacco paṇḍito viyatto kusalo bhikkhu kāye kāyānupassī viharati ātāpī sampajāno satimā vineyya loke abhijjhādomanassaṃ. tassa kāye kāyānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. vedanāsu vedanānupassī viharati ātāpī sampajāno satimā vineyya loke abhijjhādomanassaṃ. tassa vedanāsu vedanānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. citte cittānupassī viharati ātāpī sampajāno satimā vineyya loke

abhijjhādomanassaṃ. tassa citte cittānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. dhammesu dhammānupassī viharati ātāpī sampajāno satimā vineyya loke abhijjhādomanassaṃ. tassa dhammesu dhammānupassino viharato cittaṃ samādhīyati, upakkilesā pahīyanti, so taṃ nimittaṃ uggaṇhāti. sakho so bhikkhave, paṇḍito viyatto kusalo bhikkhu lābhī ceva hoti diṭṭhadhamma-sukhavihārānaṃ, lābhī hoti satisampajaññaṃ. taṃ kissa hetu: tathā hi so bhikkhave, paṇḍito vyatto kusalo bhikkhu sakassa cittassa nimittaṃ uggaṇhātīti.